

Na osnovu člana 14. i člana 25., stav 2. Zakona o sistemu indirektnog oporezivanja u BiH ("Službeni glasnik BiH", br. 44/2003 i 52/04), Upravni odbor Uprave za indirektno oporezivanje je na svojoj 50. sjednici održanoj 12. decembra 2005. godine donio

ODLUKU

O ODGOVORNOSTI ZA KONTROLU I NAPLATU AKCIZE I POREZA NA PROMET

I

Od 01. januara 2006. godine, Porezna uprava Republike Srpske, Porezna uprava Federacije Bosne i Hercegovine i Porezna uprava Brčko Distrikta (u daljnjem tekstu porezne uprave) su nadležne za kontrolu obračunavanja i plaćanja poreza na promet neakciznih proizvoda i poreza na promet usluga za obaveze po osnovu ovih poreza nastale do 31.12.2005. godine.

II

Porezne uprave iz tačke I. ove odluke su nadležne za kontrolu obračunavanja i plaćanja akcize, posebne takse na derivate nafte-putarine i poreza na promet na akcizne proizvode za obaveze po osnovu ovih poreza koje su nastale do 31.12.2004. godine.

III

Porezne uprave iz tačke I ove odluke su nadležne i za kontrolu obračunavanja i plaćanja akcize na domaće akcizne proizvode i poreza na promet domaćih akciznih proizvoda kao i putarine za domaće naftne derivate za obaveze po osnovu ovih indirektnih poreza za period 01.01.2005. do 31.12.2005.

IV

Utvrđivanje poreza iz tački I i II i III ove odluke vrši se shodno propisima entiteta i distrikta koji su regulisali ove poreze uključujući i primjenu i Zakona o akcizama u BiH ("Službeni glasnik BiH " broj: 62/04,48/05 i 72/05.) i Zakona o porezu na promet proizvoda i usluga ("Službeni glasnik BiH " broj: 62/04,48/05 i 72/05.) a naplata, rokovi za naplatu, prinudna naplata, prekršajni postupak i druge potrebne procesne radnje provode se shodno zakonima o Poreznim upravama entiteta i Brčko Distrikta i drugim zakonima entiteta i Brčko Distrikta

V

O izvršenim kontrolama u skladu sa ovom odlukom porezne uprave su dužne tromjesečno podnositi izvještaj Upravnom odboru Uprave za indirektno oporezivanje.

VI

Porezi iz tačke I i II ove odluke za koje su nadležne Porezne uprave entiteta i Brčko Distrikta su prihodi koji pripadaju entitetima i Brčko Distriktu, a porezi iz tačke III su prihodi Jedinственог računa koji vodi Uprava za indirektno oporezivanje.

VII

Danom stupanja na snagu ove odluke prestaje da važi Odluka o preuzimanju nadležnosti u pogledu poreza na promet domaćih akciznih proizvoda ("Službeni glasnik BiH", broj 49/05.).

VIII

Ova odluka stupa na snagu danom njenog usvajanja i primjenjuje se od 01. januara 2006. godine i objavit će se u Službenom glasniku BiH i Službenim glasnicima entiteta i Brčko Distrikta.

Broj
15. decembra 2005. godine
Banja Luka

Predsjednik
Upravnog odbora
Joly Dixon, s r.